



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Aqvæ Vitæ, De Fontibvs Salvatoris. hoc est, Doctrina
Evangelica De Meditatione mortis**

Kispenning, Henricus

Antverpiæ, 1583

Mulier, adultera. lix.

[urn:nbn:de:hbz:466:1-46214](https://nbn-resolving.org/urn:nbn:de:hbz:466:1-46214)

domittuntur ei peccata multa, quia dilexit multum.
Spera itaque & tu in Domino: ora cum Propheta &
& dic: Misere mei Deus secundum magnam miseri-
cordiam tuam: & secundum multitudinem misera-
tionum tuarum, dele iniquitatem meam: ut misericor-
dia magnitudo magnitudinem peccatorum, & misera-
tionum multitudo, multitudinem tollat delictorum.

Psal. 50.

MULIER ADULTERA.

CAPVT

LIX.

Ioan. 8.

Leuit. 20.

Aducunt ad Iesum Scribae & Pharisei mulie-
rem in adulterio deprehensam: & statuerunt eam
in medio, & dixerunt ei. Magister, hac mulier modo
deprehensa est in adulterio. In lege autem Moses man-
dauit nobis huiusmodi lapidare. Tu ergo quid dicis?
Hoc autem dicebant tentantes eum: ut possent accusa-
re eum. Iesus autem inclinans se deorsum, digito scribe-
bat in terra. Cum ergo perseverarent interrogantes eum:
erexit se, & dixit eis. Qui sine peccato est vestrum, pri-
mus in illa lapidem mittat. Et iterum se inclinans, scribe-
bat in terra. Audientes autem, unus post unum exi-
bant, incipientes a senioribus: & remansit solus Iesus,
& mulier in medio stans. Erigens autem se Iesus, dixit
ei. Mulier, ubi sunt qui te accusabant? nemo te condem-
nauit? Quae dixit. Nemo Domine. Dixit autem Iesus:
Nec ego te condemnabo. Vade, & iam amplius noli
peccare. O quam es in misericordia diues, quam magni-
ficus in iustitia, in gratia quam munificus Domine Deus
noster? non est qui similis sit tibi. Gratis respicis humi-
les: iuste indicas innocentes: misericorditer saluas etiam
peccatores. Nec ego te condemno, inquit: vade & am-
plius noli peccare. O vox misericordia: o auditus letitiae
salutaris. Auditam fac mihi mane misericordiam tuam:
quia in te speravi Domine. Sola nimirum spes apud te

Bernard. ser.
1. de Anun-
ciat. Mat.

Psal. 142.

M 2

misera-

miserationis obtinet locum: nec oleum misericordie, nisi in vase fiducia ponis. Hac autem vera hominis fiducia, a se deficientis, & innitenti Domino suo. Hæc vera fiducia, cui misericordia non denegatur: *Propheta attestante, Quonia beneplacitum est Domino super timentes eum: & in eis qui sperant super misericordia eius.*

Pl. 2. 146.

LATRO IN CRUCE.

CAPVT

LI.

Cyprian.
Sermon. de
Passio. Christi.

Luce. 23.
Idem. Sermon.
de Cena
Domini.

Iudicati sunt Egyptii, cum in redeuntibus super se maris subditibus inuoluerentur: iudicati Sodomie, cum subuersis eorum urbibus, flammis sulphureis cremarentur. Sed si in eisdem subuersionibus generent penitentes, temporalis pœna æternalis non succederet pœna: sed esset eis pro remedio supplicium, & pro absolutione tormentum: nec contritos corde æternum contereret & aggravaret iudicium. Sic in cruce LATRO confitens, non tantum indulgentiam meruit, sed Christi familiaris effectus, premissus est in paradysum: & factus est particeps regni per confessionem, factus collega martyri. Hodie, inquit Christus, mecum eris in paradiso. Latrocinium damnationem meruerat & supplicium: sed contritum pœnam mutavit in martyrium, & sanguinem in baptismum. In momento impietas religionem, crudelitas induit pietatem. & statim consummatus cinis sanctorum & domesticus Dei, premissus est in regnum, reconciliationis humana privilegium secum ferens ad superos: quod Deo patri, tanta legationis sancti honore, in seipso scriptura huius experimentum continens, libero & securo aditu penetrans presentavit. Sic in eodem articulo temporis, cum iam anima festinet ad exitum, & egrediens ad labia expirantis emerserit, penitentia clementissimi Dei benignitas non aspernatur: nec ferum est, quod verum: nec irremissibile, quod vuln-

lana.